

www.BibleForChildren.org

မာထဲ ၈




နောက်နေရက်ပင်းနောက် ဂါလိလဲပြေ ကာနမြို့မှာ
မင်္ဂလာဆောင်ပွဲ ကျင်းပအယ်။ အဲနေရာဟို ယေရှုရဲ့ အမေ
လာရောက်အယ်။ ယေရှုနဲ့ သူ့ရဲ့ တဘွဲတော်လို့လည်း အေးပွဲသို့
ဖိတ်ခြင်းဟို ခံရအယ်။



စပျစ်ယေ ကုန်သွားသောအခါ ယေရှုရဲ့ အမေဟာ "အေးသူလို့မှာ စပျစ်ယေ မဆိတော့ဝူး" လို့ ယေရှုအား ပြောကြားအယ်။

အဲအခါ ယေရှုရဲ့ အမေဟာ အစေခံလို့အား "သူစေခိုင်းလဲ့အတိုင်း လုပ်ဆောင်ကြလော့" ဟု ဆိုအယ်။



ယေရှုဟာ "အေးအိုးများတွင် ယေအပြေ
ထည့်ကြလော့" လို့ အစေခံလို့အား မိန့်အယ်။
သူ့လိုဟာ အိုးအဝထိ ယေပြေအောက် ထည့်ကြအယ်။
အဲပင်းရင် ကိုယ်တော်ဟာ . . .



... "အေးအိုးများမှ အခု ယေ ကတစ်ဟို ခပ်ယွေ့

ပွဲအုပ်ဆေ ယူသွားကြလော့" ဟု သူလို့အား

မိန့်အယ်။ သူလို့ဟ ပွဲအုပ်ဆေဟို ယေ

ယူသွားအယ်။ . . .



... ပွဲအုပ်ဟ စပျစ်ယေအဖြစ် ပြောင်းလဲလာသောယေဟို
မြည်းကျေအယ်။ အစေခံလို့ဟ
စပျစ်ယေဟို ပစာမှ
ရဆိကျောန်းဟို
သိကြသော်လည်း ပွဲအုပ်မှာ
မသိ၊ အဲလိုလဲ
ပွဲအုပ်ဟ ...



... မင်္ဂလာဆောင်သတို့သားဟို ခေါ်ပင်းရင်၊ “လူတိုင်းဟို
စပျစ်ယေကောင်းနဲ့ အဦးဆုံး
ညှော်ခံတတ်အယ်။ . . .”



“... ဧည့်သည်လို့ ရမ်းဆာ့ မှူးပင်းနောက် စပျစ်ယေအညံ့ဟို
ထည့်ပေးလေ့ ဆိုအယ်။ အဲလိုလဲ
နင်ဟာ စပျစ်ယေကောင်းဟို
အခုထိ သိမ်းထားပီ” ဟု
ဆိုအယ်။



ယေရှုဟာ ဟောဦးရင်ဆုံးသော နိမိတ်လက္ခဏာဟို ဂါလိလဲပြေ
ကာနမြို့တွင် ပြုလျက် ကိုယ်တော်ဟာ
မိမိရဲ့ ဘုန်းအသရေဟို
ထင်ဆွားစေအယ်၊ သူ့ရဲ့...




... တဘွဲတော်လို့ဟ ကိုယ်တော်ဟို
ယုံကြည်ကြအယ်။



ယေရှုဟာ ပေတရုရဲ့ နေအိုင်ဟို လာသောအခါ၊
ကိုယ်တော်ဟာ ပေတရုရဲ့ ယောက္ခမဟာ
ဖျားယွေ့ အိပ်ယာပေါ်တွင် လဲနေတာဟို
မျှော်အယ်။



ယေရှုဟာ အဲမိန်းမရဲ့ လက်ကို တို့ထိယွေ့ သူမဟာ
အဖျားပျောက်သွားပင်း၊ ထယွေ့ ယေရှုအား ဧည့်ခံပြုစုလေအယ်။



နေဝင်ယွေ့ညှစ်ခင်းအချိန် ရောက်လာပင်းနောက် လူများဟ

ရောဂါသည်များနဲ့

နတ်မိစ္ဆာပူးသူများ အားလုံးဟို

ယေရှု ဆေဟို ခေါ်

ခဲ့ကြအယ်။ မြို့ထဲမှ

လူအားလုံးလို့ဟ နေအိုင်

ဆွေအားတွင် စုဆုံလျက်

ဆီနေကြအယ်။




ယေရှုဟာ ဖျားနာနေသူများနဲ့ ရောဂါအမျိုးစုံစွဲကပ်သူ
အမြောက်အများဟို ကျန်းမာစေယွေ့ ရမ်းဆာ့သော နတ်ဆိုးလို့ဟို
မောင်းထုတ်ပလိုက်အယ်။



နတ်ဆိုးလို့ဟာ ကိုယ်တော် စသူဖြစ်ကျောင်းဟို
သိနေကြသောကျောနဲ့ ကိုယ်တော်ဟာ သူလို့အား စကားပြောခွင့်
မပေးချေ။



ကိုယ်တော်အထဲဟာ တန်ခိုး ထွက်ပွေ့ လူအပေါင်းလိုဟို
ကျန်းမာစေတာ ဖြစ်ပွေ့၊ လူအားလုံးလိုဟာ ကိုယ်တော်ဟို ထိန်နိဗ္ဗိ
ကြိုးစားကြအယ်။



အဲအခါ လူလေးယောက်လို့ဟာ လာပင်း လေဖြတ်သူ တဦးဟို
ကိုယ်တော်ဆေဟို မကြာအယ်။



လူအုပ်ကြီးကျောနဲ့ သူလို့ဟ သူဟို
ယေရှုဆေဟို မ မလာနိန်ကြ။ သူလို့ဟ
ယေရှုဆိလဲ့ နေရာအပေါ်မှ ခေါင်မိုးဟို ဖွင့်ယွေ့
အပေါက်ဖောက်ကာ . . .



... လေဖြတ်နေသောသူ
လဲလျောင်းနေသော ထမ်းစင်ဟို
လျှောချကြအယ်။



ယေရှုဟု သူလို့ရဲ့ ယုံကြည်ခြင်းဟို မျော်ရင် "ငါ့သား၊ နင့်ရဲ့

အပစ်များဟို လွတ်စေပီ" ဟု

လေဖြတ်သူအား

ပြောလေအယ်။

"နင့်ဟို ငါပြောမယ်၊

ထလော့၊ နင့်ထမ်းစင်ဟို

ကောက်ယူယွေ့

နေအိုင်ဟို ပြန်လော့"

ဟု သူဟု

လက်ခြေသေသောသူအား ပြောအယ်။




ယေရှုဟာ လှေပေါ်သို့ တက်ပင်း တဘွဲတော်လို့ဟုလည်း
ကိုယ်တော်နဲ့အတူ လိုက်သွားကြအယ်။

အိန်ထဲတွင် ခုတုံး
လေမုန်တိုင်းကျလာသဖြင့်
လှေဟာ လှိုင်းတံပိုးများထဲတွင်
မြုပ်လုမြုပ်ခင်
ဖြစ်လေအယ်။



အဲလိုလဲ ယေရှုဟာ အိပ်မော့လျက် နေအယ်။



ယေရှုဟာ “ယုံကြည်မှု အားနည်းသူလို့၊ နင်လို့ ပစာကျောနဲ့
ကြောက်လန့်နေလုနီး” ဟု မိန့်အယ်။ အဲပင်းနောက် ကိုယ်တော်ဟာ
ထယွေ့ လေနဲ့ လှိုင်းများဟို ဆုံးမပင်း၊ လေနဲ့ လှိုင်းလို့ဟာ
ငြိမ်သက်သွားကြအယ်။ အေးသူလို့ဟာ
အံ့ဩယွေ့! “ဟေသူဟာ
မစာသို့သောသူဖြစ်သလော။



လေနဲ့ လှိုင်းများပင်လျှင်
သူဟို နာခံကြအယ်”
ဟု ဆိုကြအယ်။



ဘုရားသခင်ဟ

လောကသားလို့ဟို

ရမ်းဆာ့ ချစ်သောကျောနဲ့ မိမိရဲ့တပါးတည်းသော
သားတော်ဟို ပေးအယ်၊ အဲဟာဟ သားတော်ဟို

ယုံကြည်သောသူတိုင်း မပျက်စီးဘဲ

တာဝရအသက်ဟို ရဆိစေရန်

ဖြစ်အယ်။



ရောမ 3:23 လူတိုင်းဟာ အပစ်ပြုကြပင်း ဘုရားသခင်ရဲ့
ကယ်တင်ခြင်း မျက်မှောက်တော်နဲ့ ဝေးကွာအယ်။

ရောမ 6:23 အကျောန်းမှာ အပစ်တရားရဲ့ အခဟ သေခြင်းဖြစ်ပေမဲ့
ဘုရားသခင်ရဲ့ အလကားကား လက်ဆောင်ဟာ ငါလို့ အဆုတ်
ခရစ်တော် ယေရှုနဲ့ တလုံးတဝတည်းဖြစ်ခြင်းအားဖြင့် ရဆိလဲ့
ထာဝရ အသက် ဖြစ်အယ်။

ဟေဗြဲ 9:27 လူဟာ တကြိမ်တည်း သေယွေ့ အေးနောက်မှ
ဘုရားသခင်ရဲ့ တရားစီရင်ခြင်းဟို ခံရအယ်။



ဖေကံ 2:8,9 အကျောနံးမှာ ယံကြည်ခြင်းအားဖြင့် နင်လို့ဟ
ဘုရားသခင်ရဲ့ ကျေးဇူးတော်ကျောနံ့ ကယ်တင်ခြင်းသို့ ရောက်ကြပီ။
နင်ရဲ့ ကြိုးစားအားထုတ်မှုရဲ့ ရလဒ်မဟုတ်ဘဲ ဘုရားသခင်ရဲ့
လက်ဆောင် ဖြစ်အယ်။ အေးလို့မို့ စသူမှ ဝါကြွားစရာ
အကျောနံးမဆီ။

ရောမ 10:9,10 နင်လို့ဟ “ယေရှုဟ သခင် ဖြစ်အယ်” ဆိုတာဟို နင်ရဲ့
စလောင်ဖြင့် ဝန်ခံယွေ့၊ ဘုရားသခင်ဟ အေးသူဟို သေခြင်းမှ
ထမြောက်စေပီဟု စိတ်နေလုံးထဲနှိုက် ယံကြည်ရင်၊ နင်လို့ဟ
ကယ်တင်ခြင်းဟို ရောက်လိမ့်မယ်။ အကျောနံးမှာ ငါလို့ စိတ်နေလုံးနဲ့
ယံကြည်ခြင်းအားဖြင့် ဖြောင့်မတ်ခြင်းဟို ရအယ်။ စလောင်ဖြင့်
ဝန်ခံယွေ့ ကယ်တင်ခြင်း ခံရအယ်။



ယောဟန် 3:16,17 ဘုရားသခင်ဟာ လောကသားလို့ဟို ရမ်းဆာ့
ချစ်သောကျောနဲ့ မိမိရဲ့တပါးတည်းသော သားတော်ဟို ပေးအယ်။
အဲဟာဟာ သားတော်ဟို ယုံကြည်သောသူတိုင်း မပျက်စီးဘဲ
တာဝရအသက်ဟို ရဆိစေရန် ဖြစ်အယ်။ အကျောနားမှာ
ဘုရားသခင်ဟာ သားတော်ဟို ဟောလောကသို့ စေလွှတ်တာဟာ
လောကသားလို့ဟို အပစ်စီရင်ရန် မဟုတ်။ အဲလိုလဲ
လောကသားလို့ဟာ သားတော်အားဖြင့် ကယ်တင်ခြင်း
ခံရရန်အတွက် ဖြစ်အယ်။



၁ ယောဟန် 5:11-13 အဲသက်သေခံချက်မှာ ဘုရားသခင်ဟ
ငါလို့အား ထာဝရ အသက်ဟို ပေးပင်း အဲအသက်ဟ ဘုရားသခင်ရဲ့
သားတော်နှိုက် ဆီအယ်ဟူယွေ့ ဖြစ်အယ်။ သားတော်ဟို
ရဆိသောသူဟ အသက်ဟို ရအယ်။ ဘုရားသခင်ရဲ့ သားတော်ဟို
မရဆိသောသူဟ အသက်ဟို မရ။ ဘုရားသခင်ရဲ့ သားတော်ဟို
ယုံကြည်သောသူ နင်လို့ဟ ထာဝရ အသက်ဟို ရဆိကျောန်း
သိကြစေရန် ဟေအကျောန်းအရာများဟို ငါ ရေးလိုက်အယ်။



မသဲ 8-9; မာကု 1-2, 4; လုကာ 4, 8; ယောဟန် 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Danu NT (dnu) © The Word for the World International,
2024.

<https://www.bible.com/en-GB/bible/3789/MAT.1.NTDNB24>

©2026 Bible for Children, Inc.

www.M1914.org

www.bibleforchildren.org

